

KERATAN AKHBAR

TARIKH : 27 FEBRUARI 2023
AKHBAR : BERITA HARIAN
MUKA SURAT : 1 & 2

3 inisiatif bantu 100,000 keluarga miskin



3 inisiatif bantu 100,000 keluarga miskin

Inisiatif Pendapatan Rakyat merangkumi usahawan tani, peniaga makanan dan operator perkhidmatan yang dilancarkan semalam, sasar bantu-isi rumah miskin tegar dan B40 keluar daripada garis kemiskinan dengan menjana pendapatan sekurang-kurang RM2,000 sebulan.

Oleh Mohd Iskandar Ibrahim → Nasional 2

Tiga model bantu keluar daripada kemiskinan

Kerajaan sasar 100,000 peserta miskin tegar jana RM2,000 sebulan menerusi program IPR

Oleh Mohd Iskandar Ibrahim
mohd_iskandar@bh.com.my

Kuala Lumpur: Kerajaan menyasar 100,000 peserta daripada isi rumah miskin tegar dan B40, yang menyertai Inisiatif Pendapatan Rakyat (IPR) berupaya menjana pendapatan sekurang-kurangnya RM2,000 sebulan, bagi membolehkan mereka keluar daripada garis kemiskinan.

Menteri Ekonomi, Rafizi Ramli, berkata sasaran itu berdasarkan kajian yang dilaksanakan pihaknya berasaskan garis kemiskinan tegar yang ditetapkan pada RM1,900 sebulan. Bertujuan meningkatkan pendapatan golongan miskin tegar, miskin dan B40 untuk menjana pendapatan membolehkan kerjasama kerajaan, rakyat dan rakan strategik.

IPR membabitkan tiga model iaitu Inisiatif Usahawan Tani

(INTAN), Inisiatif Usahawan Makanan (INSAN) dan Inisiatif Operator Perkhidmatan (IKHSAN).

"Kita sudah menjalankan 'modeling' awal, jika melihat kepada tiga model tadi, usahawan tani, mungkin mengambil masa yang lebih panjang untuk mendapat pendapatan."

"Jadi kita sudah mengambil kira bantuan untuk tempoh penantuan 24 bulan, termasuk penyediaan tapak, infrastruktur, latihan dan sebagainya termasuk elan bulanan sementara menunggu hasil tuai."

"Sama juga dengan INSAN, penjualan makanan melalui mesin vending (mesin layan diri), juadah itu dijual pada harga RM2 kerana ia membantu orang ramai untuk masuk tandas atau lelongan kemudahan lain tetapi jika tidak mencukupi, kerajaan akan tambah supaya pendapatan bulanan mereka mencapai RM2,000," katanya.

Beliau berkata demikian pada sidang media selepas menyempurakan pelancaran IPR di sini, semalam.

Yang turut hadir, Menteri Besar Selangor, Datuk Seri Amirudin Shari dan Menteri Besar Negeri Sembilan, Datuk Seri Aminuddin Harun.



Rafizi (dua dari kanan) bersama Amirudin (kanan) dan Aminuddin (dua dari kiri) pada majlis pelancaran Inisiatif Pendapatan Rakyat di Stesen LRT Cempaka, Ampang, semalam. (Foto Atanudin Saad/BH)

Rekrut golongan sasar
INTAN adalah inisiatif untuk merekrut golongan sasar yang berminat dalam pertanian dengan memilih hasil tanaman yang tinggi dalam jumlah import seperti cili, halia dan jagung.

INSAN pula menyasar peserta menjual makanan umum pada harga rendah, menerusi perniagaan mesin layan diri yang mampu meningkatkan ju-

alan melalui penambahan lokasi tumpuan.

Manakala IKHSAN merekrut golongan sasar yang berminat untuk bekerja sebagai pekerja pembersihan, sekali gus mampu mengatasi masalah kekurangan buruh bagi menyelesaikan beberapa kemudahan awam.

"Untuk INTAN, kerajaan akan menyediakan tanah, infrastruktur pertanian, latihan, kos operasi seperti baja, sokongan pemasaran, padanan dengan pembeli, elan bulanan sementara menunggu hasil tuai."

"Menerusi INSAN pula, kerajaan menyediakan mesin layan diri dengan menanggung bayaran sewa mesin selama 24 bulan, latihan, tempat berniaga di lokasi tumpuan dan sokongan ko-

peras.

"Bagi IKHSAN, kerajaan menyediakan peralatan dan kelengkapan, urusan lantikan dengan pemilik kemudahan, latihan dan elan tambahan untuk digenapkan pendapatan memecahkan RM2,000 sebulan," katanya.

Perdana Menteri, Datuk Seri Anwar Ibrahim ketika membentangkan Belanjawan 2023 mengemukakan kerajaan akan membantu kira-kira 100,000 rakyat tersusah tanpa mengira latar belakang kaum untuk keluar daripada belenggu kemiskinan menerusi IPR.

Sejumlah RM750 juta peruntukan disediakan kepada Kementerian Ekonomi bagi menyasarkan IPR.

Anwar juga bertekad untuk mengeluarkan golongan miskin tegar tahun ini.